

Mazarin  
3011

Recit veritable



UNIVERSITY OF N.C. AT CHAPEL HILL



00023009174

RARE BOOK  
COLLECTION



THE LIBRARY OF THE  
UNIVERSITY OF  
NORTH CAROLINA  
AT  
CHAPEL HILL  
Mazarin  
3011



R E C I T  
V E R I T A B L E  
D E C E Q V I S ' E S T

passé en l'approche de l'armée Mazarine, commandée par le Mareschal de Turenne, deuant Estampes: Avec le nombre des morts & blesez, & la prise de deux canons.



A P A R I S,  
De l'Imprimerie de la Veufue I. G V I L L E M O T, rue  
des Marmouzets, proche l'Eglise  
de la Magdelaine.

M. D C. L I I.


VERITABLE  
DE CE QUI EST

passé en l'épée de la  
née Mazure, comme  
de par le Ministère de  
Turenne, devant l'Empereur  
Avec le nombre de  
blessés, & la prise de deux  
canons.




A PARIS  
chez la Citoyenne  
des Minimes, sous l'Église  
M. D. C. LII





# R E C I T V E R I T A B L E

de ce qui s'est passé en l'ap-  
proche de l'armée Maza-  
rine , commandée par le  
Mareschal de Turenne ,  
deuant Estampes : Avec le  
nombre des morts & bles-  
sez , & la prise de deux  
canons.

'ARMÉE comman-  
dée par le Mareschal  
de Turenne s'estant  
renduë deuant la Ville  
d'Estampes & pris ses  
quartiers, l'Armée logée dans ledit  
Estampes se resolut de ne les pas

A ij

laisser plus long-temps en repos,  
& fut conclu que le Comte de  
Bossu avec quatre cens cheuaux  
Allemands & le sieur de Raueneil  
avec trois cens cheuaux du Regi-  
ment de son Altesse Royale & de  
celuy de Valois, & pareil nombre  
d'infanterie attaqueroient le quar-  
tier des ennemis vers le Faux-  
bourg d'Estampes du costé d'Or-  
leans, où estoit l'esslite de leur No-  
blesse, avec deux pieces de canon.  
Les assiegez les attaquèrent si vi-  
uement & avec tant de conduite  
des Chefs susnommez, qu'ils des-  
firent quatre cens cheuaux, tue-  
rent trois cens caualiers, & en pri-  
rent & emmenerent cent dans  
Estampes, apres auoir poussé les  
ennemis si vertement, qu'ils se ren-  
dirent maistres de leur quartier &  
de ces deux pieces de canon; & là  
fut



fut blessé le Marquis de Vardes au poignet & le Comte de Grandpré dangereusement ; & des assiegez n'est demeuré qu'un Capitaine de cavalerie nommé Riuet du Regiment de son Altesse Royale , & vingt Maistres, sans perte de leur infanterie, mais bien de celle des ennemis.

Cependant le sieur de Clinchant general des Troupes auxiliaires, disposa si adroitement vne autre sortie, & fit vne attaque d'un autre costé avec quatre cens cheuaux des Troupes Allemandes , & six cens hommes des Regimens d'infanterie de son Altesse Royale & de Languedoc, & chargea si fortement les ennemis, qu'il deffit entierement le Regiment de Picardie, dont il n'est resté que trente hommes, en sorte que le nombre

de leurs morts est de six cens hommes; & de la Troupe commandée par ledit sieur de Clinchant en cette sortie n'est demeuré que trente hommes sans aucun Officier.

Les Capitaines & soldats estrangers témoignent autant d'ardeur & de valeur pour le party qu'ils seruent, & pour la defense de la place, que les François, & sont ensemble en tres-bonne intelligence: aussi est-ce contre toute verité, qu'il a esté publié, qu'il se soit decouvert quelque intelligence de quelques Capitaines Allemans avec les Mazarins.

En ces deux forties, & en d'autres que l'on fait à tous momens, ont esté tuez ou blesez griefuemēt beaucoup d'Officiers de l'armée ennemie, & entr'autres le Marquis de Renel, le sieur de Genlis des



Gardes, & le Cheualier de la Vieuille, & autres personnes de condition, du nombre desquels est le sieur Mancini pretendu Fauory du Roy.

Les assiegeans sont tellement harassés de ces frequentes sorties, dōt les moindres sont de trois mille hommes, qu'ils ont sujet de regretter la temerité de cette entreprise, qui part d'aussi peu de jugement que d'inclination au bien de la France, & à la conseruation du sang des François, mal employé pour seconder des conseils passionnez, ambitieux & estrangers.

Au reste, les assiegez sont si peu resserrez dans Estampes, que le Comte de Holac avec partie des Allemans de son Regiment a enléué le quartier des Gensd'armes & Cheuaux-legers de la Reyne.



Vne autre raison qui leur doit  
oster l'enuie des'exposer plus long  
temps à perir miserablement pour  
la conseruation d'un homme qui  
porte avec soy le mauuais destin  
de la France, c'est l'assurance que  
l'on a de l'arriuée de Monsieur de  
Lorraine dans Dimanche assez  
prés de Paris, pour leur faire sça-  
uoir des nouuelles qui ne leur plai-  
ront pas.

F I N.







